

Vedtekter

Vedtatt i 2013. Revidert siste gong årsmøtet 24.05.2022

Norsk namn	Norsk Sahel Sjølvhjelp Organisasjon
Namn engelsk	Norwegian Sahel Self-help Organisation
Namn fransk	Norvège Sahel Organisation pour Self Help
Grunnlagt	2013

§ 1 Namn og logo

NorSahel er ein ikkje-statleg, non-profitt, uavhengig organisasjon som er registrert i Noreg. Han vart etablert i april 2013. NorSahels medlemmer består av menneske som er interesserte i å jobbe for berekraftig utviklingsarbeid i Mali, og som dedikerer seg til å bidra med ressursar til humanitære formål i Sahel.

Sahel (frå arabisk, Sahil, tyder kantline) utgjør det tørre beltet sør for Sahara-ørkenen. Ein kan òg referere til Sahel som indre delar av Vest-Afrika. Namnet symboliserer både foreininga sitt opphav og retning, samtidig som hovudstrategien understrekar med sjølv-hjelp. NorSahel sin nye logo frå 2016 med baobabtreet inne i ein stor O, symboliserer kunnskap, liv og bærekraft.

§2 Formål

NorSahel har ei grunnleggjande tru på at utvikling skal opprettast og haldast ved like lokalt og nasjonalt.

NorSahel vil arbeide for

- å betre levekåra til menneske i Mali, spesielt i rurale område, med tydeleg fokus på born og kvinner.
- at aktivitetane skal fremje fredsbygging og dialog i møte med alle delar av det maliske samfunnet – og vere tydeleg forankra i lokalt eigarskap og varig berekraft.

§3 Formålet søkjast nådd ved:

1. Iverksetjing av eigne tiltak og gjennomføring av desse.
2. Samarbeid med andre organisasjonar og institusjonar i Noreg og internasjonalt.
3. Samarbeid med offentlege og andre private organ som støttar dei same måla

§4 Medlemskap

Alle personar som er interesserte i å hjelpe til med å skape fred og utvikling i Sahel, spesielt for utsette grupper, vil bli ynskt velkomne som medlemmer. Medlemskap krev lojalitet til NorSahel sine vedtekter.

§.5 Endring

For å endre NorSahel sin vedtekter krevjast 2/3 fleirtal blant medlemmene. Endring kan skje gjennom årsmøte eller ved ekstraordinært årsmøte.

§6 Kontingent

Kontingent blir fastsett av årsmøtet og blir betalt på førehand. Medlemer som skuldar kontingent for meir enn eitt år, har normalt ikkje røysterett.

§7 Godtgjersle

Styremedlemene vil ikkje ta imot godtgjersle.

§8 Årsmøte

Årsmøte haldast kvart år, og er det høgaste organet til foreininga. Styret kallar inn til årsmøte med minst ein månads varsel. Forslag som skal handsamast på årsmøtet, skal vere styret i hende seinast to veker i førevegen. Sakspapira skal vere tilgjengeleg for medlemene seinast ei veke før årsmøtet.

Det er berre dei røysteføre medlemene som kan fatte vedtak på årsmøtet, men styret kan invitere media og eventuelt andre gjester. Ingen har meir enn ei stemme, og stemmegivinga kan ikkje skje ved fullmakt.

§9 Leing av årsmøtet

Årsmøtet blir leia av vald dirigent. Dirigenten treng ikkje vere medlem av foreininga.

§10 Stemmegiving

Med mindre anna er spesifisert, er ei avgjerd gyldig ved alminneleg fleirtal blant dei røysteføre. Blanke røyster skal handsamast som ikkje gitte.

§11 Styret

NorSahel har eit styre på inntil 7 medlemmer. Leiaren veljast ved særskilt val kvart år. Resten av styret konstituerer seg på første møte etter årsmøtet.

Funksjonen til styret er 3 år. Dersom eit styremedlem fråtrer i sin valperiode, skal eit nytt medlem veljast på neste årsmøte.

Styret består av styreleiar og nestleiar og elles dei funksjonane styret til ei kvar tid ønskjer å ha internt. Styret har ansvar for å fylgje opp all organisatorisk aktivitet.

§12 Grupper / avdelingar

NorSahel kan opprette lokale lag og/eller grupper. Styret avgjer skipinga av lokale lag /grupper, og korleis dei bør organiserast.

§ 13 Eigarskap

Organisasjonen er non-Profit. Ingen i organisasjonen kan disponere midlar til eiga vinning eller ha rett til utbetaling av overskot. Godtgjersle blir berre betalt ut til definerte oppgåver for å fremme organisasjonen sine formål.

§ 14 Prokura (fullmakt)

Daglig leiar/Programansvarleg har mynde til å opptre på vegne av foreininga i alt som høyrer til drifta.

§ 15 Oppløysing

Dersom NorSahel blir vedtatt oppløyst, skal tilgjengelege middel gjevast til humanitære formål etter vedtak på årsmøtet. Vedtak om oppløysing krev 2/3 fleirtal på årsmøtet.